

Dr Wan Azizah mungkin bertanding kerusi DUN, PRU 13 nanti
Malaysian Insider
09 Julai, 2012

KUALA LUMPUR, 9 Julai — Presiden PKR, Datuk Seri Dr Wan Azizah (gambar fail), mungkin bertanding kerusi Dewan Undangan Negeri (DUN) pada pilihan raya umum ke 13 yang bakal diadakan selewat-lewatnya April 2013.

Bekas ahli parlimen Permatang Pauh itu berkata, dia masih lagi boleh bertanding kerusi DUN walaupun tidak dibenarkan bertanding di peringkat Parlimen kerana meletak jawatan untuk memberi laluan kepada suaminya, Datuk Seri Anwar Ibrahim, bertanding pada Ogos 2008.

“Walaupun saya boleh memilih mana-mana kawasan untuk bertanding, saya perlu lihat kepada pandangan dari penyokong-penyokong terlebih dahulu,” katanya dipetik dari Sinar Harian selepas menutup konvensyen pra-pilihan raya yang berlangsung di Pulau Pinang, semalam.

“Parti akan memilih tempat yang sesuai untuk saya nanti.”

Hakcipta © 2012 The Malaysian Insider

Source:

<http://www.themalaysianinsider.com/bahasa/article/dr-wan-azizah-mungkin-bertanding-kerusi-dun-pru-13-nanti/>